



Ака́фист

преподо́бному Ге́расиму,

и́же на Иорда́не

Конда́к 1, глас 8

Подобен: Взбра́нной Воево́де:

Избра́нника Бо́жия и чудотво́рца, Иорда́на
насе́льника и храни́теля, отше́льником же о́браз
и ми́рянном, восхваля́ем тя, чтите́ли твои́,
богоно́се. Но я́ко имее́й дерзнове́ние ко Го́споду,
от враг, тесня́щих ны, за́щити, да зове́м ти;
Ра́дуйся, преподо́бне Ге́расиме, всепочита́емый
пустынножи́телю.

И́кос 1

А́нгел от челове́к был еси́, преподо́бне, прите́к от
земли́ к небе́сным. Ны́не же со беспло́тными
ра́дующася ты зря, ужа́саюся и стра́хом зову́ ти
от души́ сия́:

Ра́дуйся, Лики́и божество́нный пло́де;

ра́дуйся, Иорда́на нетле́нная сла́во.

Ра́дуйся, добродете́ли дру́же и́стинный;

ра́дуйся, Христа́ моего́ служи́телю велича́йший.
Ра́дуйся, я́ко вся отда́л еси́ и приобрёл Христа́;
ра́дуйся, я́ко вся в тщету́ вмени́л еси́ Его́ ра́ди.
Ра́дуйся, я́ко удиви́шася ти А́нгели;
ра́дуйся, я́ко тебе́ и зве́рие почто́ша.
Ра́дуйся, преподо́бне Ге́расиме,
всепочита́емый пустынножи́телю.

Конда́к 2

Ви́дя ми́ра сего́ тщету́ и житёйских трево́лнений
отрешив́ся, богому́дре, разу́мно пре́жним отце́м
подража́л еси́, ихже за́поведем послéдуя,
восхожде́ния путь обрёл еси́, Ге́расиме. Сего́
ра́ди и Влады́це твоему́, блаже́нне, любо́вию
вопья́л еси́: Аллилу́ия.

И́кос 2

Ра́зум имы́й пра́вый, ре́вностию дыша́
боже́ственною, я́ко ины́й Анто́ний, свя́те
Ге́расиме, собра́ния мона́шеская созва́л еси́, я́ко
дре́вле от Египта той. Мы же, к тебе́ взира́юще,
взыва́ем от се́рдца си́це:

Ра́дуйся, сто́лпе безмо́лвия;

ра́дуйся, чу́до воздержа́ния.

Ра́дуйся, в мона́шеском жити́и ве́лий;

ра́дуйся, изрядный сего́ защи́тниче.

Ра́дуйся, Бо́гу ничто́же предпочты́й;

ра́дуйся, благоче́стно во и́мя Его́ подви́завыйся.

Ра́дуйся, А́нгелов купножи́телю;

ра́дуйся, Сил Небе́сных слико́вниче.

Ра́дуйся, преподо́бне Гера́симе,

всепочита́емый пустынножи́телю.

Конда́к 3

Си́лою свы́ше оболкийся, блаже́нне, в пусты́ню удали́лся еси́, и я́ко ни́ву благопло́дну и до́бру сию́ показа́л еси́, му́дре, жела́ющим Ца́рство Христо́во стяжа́ти; те́мже Христу́ поём: Аллилу́ия.

И́кос 3

Имы́й божество́нную ре́вность, Гера́симе, в се́рдце твоём, и божество́нный свет, исполняя́и е, восхожде́ния твори́л еси́ непреста́нно, и до́брую куплю́ тала́нтом соде́яв, ра́довался еси́, мы же, чудя́щися, вопие́м ти разу́мно сицева́я:

Ра́дуйся, вы́сотó богомы́слия;
ра́дуйся, смире́ния глубино́.

Ра́дуйся, безмо́лвия пла́меню неусы́пный;
ра́дуйся, воздержáния пра́вило ве́рнейшее.

Ра́дуйся, украше́ние мона́хов трезвя́щихся;
ра́дуйся, похвало́ подви́жников добродéтельных.

Ра́дуйся, свéтлая преподо́бных красото́;
ра́дуйся, сла́вная святы́х добро́то.

Ра́дуйся, преподо́бне Гера́симе,
всепочита́емый пустынножи́телю.

Конда́к 4

Ре́вности Господни горя́щей в души́ твоёй,
Гера́симе, соедини́лся еси́ А́нгелом, и себе́ сама́го
сокро́вище священное Трои́цы показáв,
преподо́бне, возглаша́л еси́ с ними́
боже́ственную песнь: Аллилу́ия.

И́кос 4

Слы́шаша живу́щии во странé Иорда́нстей сла́ву
твою́, и теко́ша в пусты́ню ви́дети тя: мы же,
сла́ву твою́ у престо́ла Вседержите́лева до́бре

вѣ́дяще, моли́твенно к тебѣ́ в пу́стыни жи́тия
нашего притека́ем, хва́ляще тя пе́нии тако́выми:

Ра́дуйся, му́дрый стадоначальниче;

ра́дуйся, па́стырю наш до́брый.

Ра́дуйся, мона́хов руководи́телю;

ра́дуйся, в по́двизе су́щих предста́телю.

Ра́дуйся, свети́ло Иорда́на яснѣ́йшее;

ра́дуйся, лампа́до пу́стыни пресве́тлая.

Ра́дуйся, и́мже просла́вися Бог;

ра́дуйся, и́мже враг посра́мися.

Ра́дуйся, преподо́бне Ге́расиме,

всепочита́емый пу́стынножи́телю.

Конда́к 5

Богоно́сец ве́лий и сла́вный и́ноков нача́льник
всех приима́ше ра́достно и я́ко свети́льник
просвеща́ше поуче́ньми свои́ми, ве́дый вся, да
достигнут Недостижи́мага и лику́юще
возопи́ют: Аллилу́ия.

И́кос 5

Ви́деша ли́цы пу́стынных отце́в Ге́расима
че́стнаго на Иорда́не, и я́ко Па́вла почита́юще
его́ и но́ваго Анто́ния, тща́цагося сих путе́м
сле́довати, дивя́щися вопия́ху си́це:

Ра́дуйся, звездо́, божество́нную свѣ́тлость
явля́ющая;

ра́дуйся, огню́, тьму вра́жию отгоня́ющий.

Ра́дуйся, я́ко попрал еси́ напа́сти диа́вольския;

ра́дуйся, я́ко смири́л еси́ де́монскую горды́ню.

Ра́дуйся, из глубины́ страсте́й воззва́ние;

ра́дуйся, омраче́нных зло́бою исправле́ние.

Ра́дуйся, ста́да твоего́ за́щитителю́ и изба́вителю́;

ра́дуйся, учени́к твои́х наста́вниче и учи́телю.

Ра́дуйся, преподо́бне Ге́расиме,

всепочита́емый пу́стынножи́телю.

Конда́к 6

Прибе́жище божество́нное пу́стыню Иорда́нскую
ве́дый, та́мо поспеши́л еси́, жестоты́ ея́ и зно́я
ника́коже убоя́вся, всему́дре, но ра́дуяся от
се́рдца вопия́л еси́ Спа́су, поя́: Аллилу́ия.

И́кос 6

Возсия́ твоея́ обители́ сла́ва, ю́же на Иорда́не
созда́л и распростра́нил еси́, треблаже́нне,
подвиза́ния ра́ди в чи́стем жити́и: мно́жества
же неисче́тная мона́хов в сей прия́л еси́, и́же,
ви́дяще по́двиги твоя́, взыва́ху тебе́ такова́я:

Ра́дуйся, я́ко земна́я пременя́л еси́ в небе́сная;
ра́дуйся, я́ко от ю́ности последовал еси́ Христу́.

Ра́дуйся, за́поведей Христо́вых пропове́днице;
ра́дуйся, отме́тающих их секи́ро прео́страя.

Ра́дуйся, преда́ний пусты́ни сохране́ние;
ра́дуйся, всех сопроти́вных упраздне́ние.

Ра́дуйся, и́мже ино́цы хва́лятся;
ра́дуйся, и́мже мирсти́и возвыша́ются.

Ра́дуйся, преподо́бне Гера́симе,
всепочита́емый пустынножи́телю.

Конда́к 7

Хотя́ ко исто́чнику воды́ живы́я прини́кнути,
вы́ну поуча́лся еси́ в зако́не Господни, и сего́
ра́ди непоколебимь я́ко ка́мень показа́лся еси́, и
явля́ся кре́пок во искуше́ниях, и позна́лся от

отцѣв совершѣн, иже видяще льва, воду носяща, чудяхуся, вопиюще: Аллилуія.

Икос 7

Новый показал еси град пустыню Иорданскую, Герасиме, всечестный отче, ибо сию яко иную Фиваиду и Нитрию монахов исполнил еси, вопиющих ти ныне во Царствии тако:

Радуйся, Евфимию единоправне;

радуйся, Антонию единоревностне.

Радуйся, Онуфрию равночестне;

радуйся, Пахомию раностоятельне.

Радуйся, яко Агафону подражал еси честному;

радуйся, яко Пайсию поревновал еси славному.

Радуйся, имый Арсениево горение;

радуйся, подвизавыйся в Памвовом несмеянии.

Радуйся, преподобне Герасиме,

всепочитаемый пустынножителю.

Кондак 8

Насажденное при исходящих вод древо духа явился еси, богомудре, и сего ради иноцы, плоды

неувяда́емая на тебѣ ви́дяще, дивля́хуся,
пою́ще: Аллилу́ия.

И́кос 8

Весь быв в вы́шних, пречу́дный, ни́жних же
отдаля́ясь, отхожда́ше Ге́расим божество́нный,
укра́шен добродете́лями, от всех же любима́ и
восхваля́емъ си́це:

Ра́дуйся, пусты́ни дивный цвѣте;

ра́дуйся, в безво́дной исто́чнице чу́дный.

Ра́дуйся, освяще́ние спаси́тельное;

ра́дуйся, кади́ло богоприя́тное.

Ра́дуйся, ве́лий в подви́зании;

ра́дуйся, бо́лий в мудрова́нии.

Ра́дуйся, имже преле́стник посрами́ся;

ра́дуйся, имже сатана́ низверже́ся.

Ра́дуйся, преподо́бне Ге́расиме,

всепочита́емый пустынножи́телю.

Конда́к 9

Вся́кое естество́ челове́ческое удиви́ся,
богомудре, всесовершенство́ странно́му и

чудесному: льва бо послушлива зряху вси и воду
носяща, и всех подвижающа пѣти: Аллилу́ия.

И́кос 9

Подвижа́ющимъ изба́витель в пусты́ни
показа́лся еси́, Ге́расиме, и чудесъ испо́льнъ,
се́рдце бо твоё храмъ Бо́жий бе чист и
присносвѣтелъ, преподо́бне. Сего́ убо ра́ди
дивя́щеся, ве́рно вопие́м ти:

Ра́дуйся, ли́ки ино́ческия обра́довавый;
ра́дуйся, на лу́чшее техъ наста́вивый.

Ра́дуйся, мона́хов божѣ́ственное похва́леніе;
ра́дуйся, ве́рныхъ непреста́ющее весе́лие.

Ра́дуйся, я́ко победи́л еси́ диа́вольская шата́ния;
ра́дуйся, я́ко порази́л еси́ того́ ко́зни.

Ра́дуйся, чту́щихъ тя при́сная защи́то;
ра́дуйся, поми́нающимъ тя по́моще изве́стная.

Ра́дуйся, преподо́бне Ге́расиме,
всепочита́емый пусты́нножи́телю.

Кондак 10

Создателя нашего и Спасителя, со преподобными на Небесех пребывая, моли, отче, да милостивно презрит грехи наша: нас бо ради показася по нам человек, да избавит ны будущия геенны. Тем благодарно взываем Ему: Аллилуия.

Икос 10

Стена монашествующим на Иордане показася еси и всем к тебе притекающим, сего ради молися о нас, вельми чтущих тя и любовью воспевающих сице:

Радуйся, святых благоукрашение;

радуйся, лика преподобных сопричастниче.

Радуйся, Илариона подобниче;

радуйся, Харитона ревнителю.

Радуйся, Симеона юродиваго славо;

радуйся, Иоанна постника сило.

Радуйся, божественнаго Кириака управителю;

радуйся, святаго Никона ликование.

Радуйся, преподобне Герасиме,

всепочитаемый пустынножителю.

Кондак 11

Пению всегда прилежай и бдению непрестанну,
Ангелом уподобился еси, блаженне: Евфимию бо
усопшу, душу его на Небеса восходящую зрел
еси, Господу же усердне со Ангелы пел
еси: Аллилуия.

Икос 11

Свет сый в пустыни, просвещал еси ученики
твоя во стране Иорданстей: вжигаяй бо огонь
невещественный, наставлял еси к разуму
божественному вся, мудре просвещая их, иже
благодарно вопияху ти сия:

Радуйся, монахов слухи возвеселяяй;

радуйся, сих множества к Богу приведый.

Радуйся, новоначальных в киновию приимаый;

радуйся, усовершившихся в пустыню
отсылавый.

Радуйся, подвижников священная сладосте;

радуйся, иноков небесная радосте.

Радуйся, имже похваляются благоговейнии;

ра́дуйся, імже охраня́ются цело́му́дри.

Ра́дуйся, преподо́бне Ге́расиме,
всепочита́емый пу́стынножи́телю.

Конда́к 12

Ра́дуяся, преподо́бне, подвиза́лся еси́ во мно́зем
безмо́лвии со отцы́ богоно́сными, удаля́ясь в
пу́стыню вре́мене ра́ди поста́ и вку́пе со все́ми
по́я: Аллилу́ия.

И́кос 12

По́еши ны́не со А́нгелы на Небеси́, я́ко неко́гда
на землі с челове́ки, трисвяту́ю песнь Бо́гу,
Его́же, сла́вне Ге́расиме, всегда́ моли́ о нас,
чту́щих тя и сла́вящих пе́снями сицевы́ми:

Ра́дуйся, ходатаю́ нашего́ спасе́ния;

ра́дуйся, це́ркве сла́во и благоуха́ние.

Ра́дуйся, правосла́вных стено́ и огражде́ние;

ра́дуйся, христиа́ном вели́кий наста́вниче.

Ра́дуйся, любве́ сугу́бья сокро́вище;

ра́дуйся, те́плый наш предста́телю.

Ра́дуйся, соблю́дай ны в час сме́ртный;

ра́дуйся, непосты́дный о нас моли́твенниче.
Ра́дуйся, преподо́бне Гера́симе,
всепочита́емый пустынножи́телю.

Конда́к 13

О всечестный о́тче Гера́симе, мона́хов све́тлосте,
Хри́ста моего́ служи́телю! Приими́ моле́ние си́е
малое и твоими́ к Бо́гу моли́твами от вся́кия
изба́ви напа́сти всех вопи́ющих Тому́: Аллилу́ия.

Сей конда́к глаго́лется три́жды.

И па́ки чте́тся 1–й и́кос и 1–й конда́к

Моли́тва

О священна́я главо́, преподо́бне о́тче,
преблаже́нне авво́ Гера́симе! Не забуди́ убо́гих
твои́х до конца́, но помина́й нас всегда́ во
святы́х твои́х и благоприя́тных моли́твах к Бо́гу.
Помяни́ ста́до твоё, е́же сам упасл еси́, и не
забуди́ посеща́ти ча́д твои́х. Моли́ за ны, о́тче
священны́й, за де́ти тво́я духо́вныя, я́ко имейя́
дерзнове́ние к Небе́сному Царю́: не премолчи́ за
ны ко Го́споду, и не презри́ нас, ве́рою и
любо́вию чту́щих тя. Помина́й нас недостойных
у престо́ла Вседержи́телева, и не преста́й моля́ся
о нас ко Хри́сту Бо́гу: и́бо дана́ тебе́ бысть

благодать за ны молитися. Не мним бо ты суща мёртва: аще бо телом и преставился еси от нас, но и по смерти жив сый пребываеши. Не отступай от нас духом, сохраняя нас от стрел вражиих и всякия прелести бесовския и козней диавольских, пастырю наш добрый. Аще бо и мощи твоя сокровены быша на земли, но святая твоя душа со Ангельскими воинствы, со Безплотными лики, с Небесными Силами, у Престола Вседержителя предстоящи, достойно веселится. Ведуще убо ты воистину и по смерти жива суща, тебе припадаем и тебе молимся: молися о нас всесильному Богу, о пользе душ наших, и испроси нам время на покаяние, да невозбранно прейдем от земли на Небо, от мытарств же горьких, бесов воздушных князей и от вечныя муки да избавимся, и Небеснаго Царствия наследницы да будем со всеми праведными, от века угодившими Господу нашему Иисусу Христу, Ему же подобает всякая слава, честь и поклонение, со безначальным Его Отцем, и с Пресвятым и Благим и Животворящим Его Духом, ныне и присно и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**